

增□萬縣志卷五

地理志

城池

便民利濟池

北山石城

萬控夔巫之上游作涪忠之屏障地居扼要彌資金湯城雖小而襟溪帶壑面江負山力扼北山之吭建瓴之勢成焉但城中無井遠引山泉其水舉時盈時涸尤懼其截流塞源也若爲甬道取江水夾以石垣火器衛之庶幾緩急有恃民大便而利濟益宏矣

萬縣舊土城前間屢經脩造成化二十三年知縣龍

萬縣志

卷五

地理志

城池

一

濟始修高一丈三尺正德六年知縣孫讓增高三尺嘉靖二十三年知縣成敏□重修週圍五里計九百丈高一丈五尺爲門三日會江會府會省萬曆三年大水臨江一帶崩塌署印主簿朱幟重修用石甃砌萬曆壬子知縣方登書迎曦二字於東門後皆頽廢惟三門基趾尙存

國朝石城週圍長三百二十六丈三尺六寸二分高一丈五寸乾隆三十四五年知縣劉文華蕭一枝先後脩竣五十三年六月大江水漲東南一帶城墻淹圯

五十七丈五尺黧裂三十八丈續坍二十九丈七尺
五十四五年知縣孫廷錦勸捐修竣並見舊志郡志
計五門東西南小南小西北城地高無門小南西則
備不虞取水門也嘉慶四年教匪亂知縣王世燾籌
脩礮臺爲重城於北城外以迎北山建瓦屋三間東
南西三門各設瞭樓道光十九年知縣興善增脩磚
堞並東門甕城計雉堞八百九十有五咸豐十一年
粵逆入湖北咸來近萬境署知縣余居寬籌增小南
小西門瓦屋各一間城上守史迭息磚屋舊設十有

萬縣志

卷五

地理志

城池

二

二所同治元年周逆去境知縣張琴籌增三十八所
城前江後山左有小溪右有苾溪故未浚池

嘉慶二年署知縣劉大經城垣一週置石鋼百口以
防火災謂之太平池
便民利濟池北山石城

便民池 在學宫外左側乾隆初知縣劉乃大自北
山舉人關導泉入城修石規百餘丈引注學宮泮池
後遶出宮牆外鑿池於左蓄水資汲嘉慶初年廢舊
有賦并序載藝文

利濟池 在學宮外正中邑無北門水自北入坎離
乃交自便民池廢邑多火災人文稍替道光二十七
年署知縣丁鳳臯甫下車躬往北山尋源舉人關古
堰舊跡畧存舊百餘丈石規僅有二三水道全失爰
捐俸錢二百千倡修石規五百餘丈水道或因或徙
仍由坎方人城□學宮泮池鑿池於宮墻外正中山
泮池引出縈繞三疊以注於池復繞四疊注之江易
具名曰利濟池有序載藝文

北山石城 在北城外二里舊有觀此山踞縣城之

萬縣志

卷五

地理志 北山石城 便民利濟池

三

頂爲守城者所必據嘉慶西年教匪之變目肅都司
張誌營此山咸豐十一年粵逆陷黔彭署知縣余居
寬籌備經費委邑紳鄭茂林王錫之衛和泰監修石
城周圍九十五丈有奇前後右高一丈七尺左高一
丈八尺石堞俱高五尺計雉堞一百四十有六垣間
兵道俱廣一丈前開礮口以應北關兵道三丈廣丈
八尺後建礮臺以制北路兵道三丈廣丈六尺臺上
瓦屋三間左右兵棚二間前左關門各一同治元年
三月滇逆入郭郭援軍管帶羅亨奎營此秋知縣張

琴以軍功魏晉三管帶市郭里甲勇營此二年設口樓

愚按萬縣倚山爲城因江爲池固矣然地衝戶繁城小不能容南津一帶民居多於城中數倍曾無藩籬之遮散地也北山俯壓縣城如高屋建瓴先據者勝又爭地也教匪之亂堅營北山與城犄角城幸無恙而附郭民居已焚燬過半蓋間道易入人無可恃望風自潰則扞衛疎矣愚謂南津市與城內居民同爲赤子卽各有三窟而廛舍鱗次不可棄也且亦易圖

萬縣志

卷五

地理志
北山石城
便民利濟池

四

存其前臨大江可設礮船其後傍西巖可置營卡其左右雖無險阻亦可建空心礮臺數座勢足擊遠有警則聯以土墻藩以鹿角震以火器布三堡團練守之民有所恃而不走保全詎不易歟雖守在四境先關隘後市廛然推築城衛民意城外保障之設又曷可緩哉前約四堡團局鼎力爲之以籌防捐輸中止將俟民力稍蘇也是所望於後之父母斯民者